



KECENDERUNGAN BERTINDAK CURANG PADA ISTERI YANG SUAMINYA BEKERJA DI LUAR BANDAR DITINJAU DARIPADA FAKTOR KESEPIAN DAN KEPERLUAN AFILIASI

(The tendency of cheating on the wife whose husband worked outside the city views from factor lonely and needs for affiliation)

Yohan Kurniawan, Henny Yulianti & Jaka Santosa Sugadijono

ABSTRAK

Perbuatan curang atau di Indonesia dikenali dengan “selingkuh”, baik dengan mahupun tanpa hubungan seks banyak terjadi dalam masyarakat semasa ini. Perbuatan curang dalam sebuah perkahwinan dapat dilakukan oleh lelaki mahupun wanita. Kajian ini bertujuan untuk mengenalpasti apakah faktor kesepian dan keperluan menjalin hubungan yang rapat dengan orang lain mempengaruhi terjadinya perilaku curang pada isteri yang suaminya bekerja di luar bandar. Kajian yang dijalankan ini adalah sebuah kajian soal selidik menggunakan borang selidik pada tahun 2009 di bandar Surabaya. Jumlah subjek yang terlibat dalam kajian ini seramai 35 responden. Teknik analisis data yang digunakan adalah distribusi frekuensi dan analisis regresi linear. Hasil kajian ini menunjukkan bahawa terdapat kesan daripada faktor perasaan sunyi dengan kecenderungan berlaku curang pada Isteri yang suaminya bekerja di luar bandar. Hubungan yang terjadi antara faktor perasaan sunyi dengan kecenderungan berbuat curang tersebut bersifat positif, hal ini bermakna bahawa semakin kuat perasaan sunyi yang dirasakan seseorang, akan semakin kuat pula kecenderungan berbuat curang. Hasil kajian juga menunjukkan terdapat pengaruh yang positif antara perasaan kesepian dan keperluan menjalin hubungan yang rapat dengan orang lain dengan kecenderungan berbuat curang ($R=0,722$). Walaupun kedua faktor memberi sumbangan yang signifikan kepada wujudnya perilaku curang pada isteri yang suaminya bekerja di luar bandar, akan tetapi faktor perasaan sunyi memberi kesan yang lebih kuat dibandingkan dengan faktor keperluan menjalin hubungan rapat dengan orang lain.

Kata kunci: Perasaan sunyi, keperluan menjalin hubungan yang rapat dengan orang lain, perbuatan curang, suami bekerja di luar bandar

ABSTRACT

Act dishonestly or in Indonesia called the "cheating", either with or without sexual contact occurred in many communities during this. The act of cheating in a marriage can be done by both men and women. This study aimed to identify what factors influence the loneliness and affiliation needs of fraudulent behavior on the wife of her husband worked in the rural areas. The study was conducted using a survey questionnaire form. Number of subjects involved in this study a total of 35 respondents. Data analysis techniques were used frequency distribution and linear regression analysis. The results of this study indicate that there is a feeling the effects of the factors that tend to silence the unfaithful wife whose husband works in the rural areas. The relationship between factors feeling lonely with the tendency to cheat is positive, this means that the stronger the feeling of silence that felt someone, the more powerful is the tendency to do dishonest behavior. The study also shows that there is a positive influence between the loneliness feeling and the need of affiliation with the tendency to cheat, the more it needs lead to increasingly stronger affiliation tendency to cheat ($R =0,722$). Although both factors contributed significantly to the existence of fraudulent behavior on the wife of

her husband worked in the rural areas, but the factors affecting the feeling of silence more powerful than the fact that the need to establish close relationships with others.

Keywords: feeling lonely, needs close relationships with others, a husband working in rural areas

PENGENALAN

Perkahwinan merupakan sesuatu yang sangat penting dan bernilai kerana merupakan suatu hubungan yang suci. Setiap agama pasti mengajarkan pada umatnya untuk selalu setia pada pasangannya dalam situasi senang mahupun susah. Perilaku curang atau tidak setia terhadap pasangan merupakan perbuatan yang dilarang oleh agama. Dalam kehidupan di masyarakat sebahagian besar melihat perbuatan curang sebagai suatu tindakan yang buruk dan tidak patut untuk dilakukan kerana dapat memberikan pandangan buruk bagi keluarga maupun pelaku perbuatan curang itu sendiri. Hal ini juga didukung oleh budaya timur, khasnya masyarakat Jawa yang memandang seorang wanita sebagai makhluk yang lemah, orang yang mengasuh anak dan keluarga serta taat dan setia dengan suaminya. Berdasarkan data Jabatan Peradilan Agama Mahkamah Agung (2008) disebutkan bahawa terdapat tiga hal yang menjadi punca perceraian, iaitu alasan meninggalkan kewajipan menjadi punca utama (77.528 kes), selanjutnya alasan perselisihan yang berterusan (65.818 kes) dan alasan moral yang juga termasuk poligami tidak sihat dalam erti perbuatan curang, berada pada urutan ketiga (10.090 kes). Daripada data tersebut dapat dilihat bahawa perbuatan curang merupakan salah satu punca yang dapat menyebabkan perceraian.

Pada asarnya seseorang yang berbuat curang mempunyai alasan yang kuat untuk tetap melakukan perbuatannya, diantaranya ialah merasa tidak dicintai, tidak dihargai dan tidak difahami lagi oleh suami atau isteri, kehilangan ghairah untuk berhubungan rapat dengan suami atau isteri, adanya kekerasan dalam keluarga, sarana untuk membalas dendam, suami tidak mampu memberikan keturunan, gangguan seksual pada suami, mencari variasi hubungan seksual, serta adanya masalah ekonomi (Asnawi, 2002). Perbuatan curang tidak memandang status sosial, tahap pendidikan, jabatan, bidang profesi, bahkan gender. Perbuatan curang dapat berlaku pada berbagai peringkat umur. Banyak faktor yang menyebabkan seseorang berbuat curang diantaranya perasaan sunyi. Perasaan sunyi adalah perasaan seseorang merasa terasing dari orang lain dan dunia sekitarnya, akibatnya orang tersebut kehilangan kepercayaan diri dan merasa tidak berarti lagi.

Faktor lain yang menyebabkan terjadinya perbuatan curang adalah keperluan hidup bersama dengan orang lain (pasangannya). Individu hidup dengan orang lain untuk mendapatkan kegembiraan, memperoleh pertolongan, menjalin keakraban, berbagi keintiman seksual, mendapat pujian dan lain-lain (Baron, 2007). Menurut Mc Clelland (dalam Asnawi, 2002) manusia mempunyai tiga keperluan, iaitu keperluan untuk berprestasi (*need for achievement*), keperluan untuk berafiliasi (*need for affiliation*), keperluan untuk berkuasa (*need for power*). Keperluan untuk berafiliasi atau menjalin hubungan rapat dengan orang lain ini merupakan dorongan untuk membentuk, memelihara atau mempertahankan dan memperbaiki hubungan afeksi yang positif, serta untuk disukai dan diterima orang lain (Atkinson, Hebert, Burham, dan Mc Clelland dalam Asnawi, 2002).

Keperluan menjalin hubungan rapat dengan orang lain dapat diperoleh dengan cara menjalin hubungan yang dekat atau rapat dengan orang lain. Faktor perasaan sunyi dan keperluan menjalin hubungan yang rapat dengan orang lain merupakan sebahagian daripada faktor-faktor yang mempengaruhi berlakunya perbuatan curang. Berkaitan dengan hal

tersebut maka diduga individu juga memiliki dorongan yang kuat untuk berperilaku curang, kerana tidak adanya figur suami yang diharapkan dapat memberikan suatu hubungan afeksi yang positif. Dengan berperilaku curang, individu dapat membentuk, memelihara pemahaman terhadap perasaan pasangannya dan mendapatkan kehangatan dalam hidupnya. Apalagi jika individu tersebut memiliki keperluan menjalin hubungan yang rapat dengan orang lain yang tinggi, maka keinginan untuk berbuat curang juga tinggi. Tujuan penyelidikan ini adalah untuk mengenalpasti apakah terdapat hubungan antara faktor perasaan sunyi dan keperluan menjalin hubungan yang rapat dengan orang lain dengan kecenderungan berlaku curang pada isteri yang suaminya bekerja di luar bandar.

PERBUATAN CURANG

Menurut Torsina (1995) perbuatan curang adalah suatu hubungan yang bersifat rahsia untuk membagi cinta atau seks yang dilakukan dengan pasangan barunya. Perbuatan curang dapat terjadi ketika seseorang yang telah menikah melakukan hubungan seks dengan seseorang yang bukan pasangannya. Menurut Then (2002), perbuatan curang adalah pertemuan seksual atau hubungan intim yang terus-menerus dengan seseorang yang bukan pasangannya. Dari pengertian di atas dapat disimpulkan arti perbuatan curang adalah perbuatan seorang suami atau isteri dalam bentuk menjalin hubungan secara diam-diam dengan seseorang di luar perkahwinan dengan alasan untuk memperoleh perlakuan atau cinta dari orang lain yang bukan pasangan sahnyanya.

Then (2002) menyimpulkan ada beberapa aktor dan punca seseorang berbuat curang antara lain tersedianya kesempatan untuk melakukannya, lingkungan pergaulan yang mendorong seseorang untuk mengambil keputusan untuk mencuba menjalin hubungan perselingkuhan, masalah ekonomi, persaingan antara pasangan dalam hal kerjaya dan perolehan penghasilan, perasaan bosan terhadap relasi dengan pasangan perkawinan, tidak ada kepuasan dalam pernikahan akibat tidak didasari oleh rasa cinta (menikah kerana paksaan atau dijodohkan), pelampiasan dendam kerana telah dikhianati oleh pasangan sehingga memicu timbulnya dendam yang boleh menjadi pendorong untuk melakukan perselingkuhan, adanya kekerasan dalam rumah tangga, konflik dalam perkawinan yang tidak pernah selesai, tidak mendapat keturunan, dan kurangnya komunikasi.

(a) Perbuatan Curang Di kalangan Isteri

Keperluan menampilkan sendiri merupakan keperluan tingkat tertinggi dalam teori Maslow. Salah satu ciri utama orang yang teraktualisasi diri adalah adanya hubungan antara peribadi yang dekat (Asnawi, 2002). Dalam hal ini individu cenderung untuk membina suatu hubungan dekat dengan lelaki lain yang bukan suami sahnyanya. Hal ini dilakukan kerana suami sahnyanya berada jauh dari dirinya sehingga dengan melakukan perselingkuhan maka perasaan dan keperluan akan cinta, perhatian atau kasih sayang yang selama ini “hilang” dapat diperoleh kembali.

Then (2002), mengatakan bahawa bila seorang lelaki dan perempuan berada dalam satu keadaan yang sama dan dalam masa yang lama, tidak menutup kemungkinan akan berlaku perbuatan curang. Akan tetapi alasan individu untuk berbuat curang berbeza-beza. Hal ini termasuk sesuatu yang nyata dalam kehidupan kita kerana adanya perasaan kasihan, adanya kesamaan pengalaman, adanya komunikasi yang selesa, adanya perhatian dan adanya kesesuaian dalam pelbagai hal.

(b) Pengertian Perasaan Kesepian

Kesepian adalah perasaan keterasingan yang muncul akibat hidup sendiri tanpa teman, tidak ada orang yang dapat diajak bicara dari hati ke hati, dan tidak ada orang yang mempedulikan (Wedge, 1989). Menurut Roger (dalam Hojat, 1989) kesepian yaitu merasakan ketakutan dan merasakan penolakan terhadap dirinya dari lingkungan sekitarnya (dalam Hojat, 1989). Sementara itu Fromm Reichmann (dalam Hojat, 1989) maupun Townsend (dalam Hojat, 1989) menyatakan bahwa kesepian adalah perasaan yang tidak diinginkan akibat kehilangan atau kurangnya hubungan atau kontak yang berarti (dalam Hojat, 1989).

Menurut Peplau & Perlman (dalam Sarwono, 1997), kesepian dan kesendirian tidaklah sama. Kesepian menunjuk pada kegelisahan subjektif yang timbul jika harapan untuk terlibat dalam hubungan yang akrab dengan seseorang tidak tercapai. Sedangkan kesendirian lebih bersifat objektif, yaitu suatu keadaan di mana seseorang sedang tidak bersama orang lain. Kesepian terjadi dalam diri seseorang dan tidak dapat dikesan hanya dengan melihat orang tersebut. Sedangkan kesendirian merupakan keadaan terpisah dari orang lain yang bersifat objektif.

Hulme (1984) mengemukakan ada tiga elemen dalam kesepian, antara lain:

- i. Kesepian adalah kurangnya hubungan sosial individu dengan orang lain.
- ii. Kesepian adalah pengalaman yang subjektif. Individu kadang-kadang tetap merasa kesepian di antara banyak orang dan kadang-kadang individu yang sendirian tidak merasa kesepian.
- iii. Kesepian adalah suatu pengalaman yang tidak mengenakan.

(c) Keperluan menjalin hubungan rapat dengan orang lain

Apabila seseorang selalu berfikir tentang kehangatan dan kesenangan dalam bergaul dengan teman-teman atau orang lain, maka dapat dikatakan mempunyai motif menjalin hubungan rapat dengan orang lain atau berafiliasi yang tinggi. Menurut Hill (dalam Baron, 2007) motif keinginan menjalin hubungan rapat dengan orang lain erat hubungannya dengan kehidupan sosial seseorang yaitu merupakan keinginan untuk mendapatkan stimulasi positif, keinginan untuk mendapatkan dukungan sosial, keperluan akan perhatian (mendapat pujian dari orang lain), dan keperluan akan perbandingan sosial yang dimotivasi oleh keinginan untuk memperoleh pengetahuan dan mengurangi ketidak pastian.

Menurut Atkinson (dalam Asnawi, 2002), motif berafiliasi adalah dorongan untuk membentuk, memelihara atau mempertahankan dan memperbaiki hubungan afeksi yang positif, serta untuk disukai dan diterima orang lain. Menurut Murray (dalam Baron, 2007), keperluan menjalin hubungan yang rapat dengan orang lain terkait dengan kecenderungan untuk membentuk pertemanan dan untuk bersosialisasi, untuk berinteraksi secara dekat dengan orang lain, untuk bekerja sama dan berkomunikasi dengan orang lain dengan cara yang bersahabat dan untuk jatuh cinta. Menurut Baron (2007), keperluan menjalin hubungan rapat dengan orang lain adalah keperluan untuk mencari dan mempertahankan relasi interpersonal untuk mendapatkan kehangatan dan sokongan daripada orang lain.

(d) Perasaan Kesepian dan Keperluan menjalin hubungan rapat dengan orang lain

Perasaan kesendirian pada seorang isteri berkaitan dengan kesepian. Jika kesepian ini terjadi maka akan muncul perasaan bosan. Seorang isteri yang merasa kesepian akan mengatasi

kesepiannya itu dengan mencari teman dekat. Lebih lanjut ketika isteri tersebut mulai cemas dan gelisah maka ada sebahagian isteri yang melakukan perselingkuhan. Mereka berharap dapat menemukan sosok yang dapat memberikan perhatian, kasih sayang, kehangatan, sokongan dan kebahagiaan dalam hidupnya.

Kehangatan dan sokongan ini berkaitan dengan keperluan menjalin hubungan rapat dengan orang lain yang selalu diperlukan oleh setiap individu. Menurut Maslow (dalam Asnawi, 2022), orang akan mendambakan kasih sayang dengan orang lain, khasnya keperluan perasaan diterima ditengah-tengah kelompoknya, dan manusia tersebut akan berusaha keras mencapai tujuan yang satu ini. Menurut Susilowati dan Putu (2005), seorang wanita yang berbuat curang pada umumnya dapat menemukan pemenuhan keperluan hubungan rapat dari pasangan curangnya yang tidak mereka dapat daripada pasangan sahnya.

METOD KAJIAN

Variabel dalam kajian ini adalah:

- i. Variable bebas : perasaan sunyi dan keperluan afiliasi atau menjalin hubungan rapat dengan orang lain.
- ii. Variable tergantung : kecenderungan *selingkuh* pada isteri yang suaminya bekerja di luar bandar.

(a) Responden Kajian

Populasi yang digunakan dalam kajian ini adalah wanita yang memiliki suami yang bekerja di luar bandar dan berusia antara 20-40 tahun. Jumlah responden yang terlibat dalam kajian ini adalah seramai 35 orang. Teknik pengumpulan subjek yang digunakan adalah *Purposive Sampling*. Alasan menggunakan *Purposive Sampling* kerana pemilihan responden didasarkan kepada ciri tertentu yang dipandang mempunyai hubungkait yang rapat dengan ciri atau sifat populasi yang sudah diketahui sebelumnya (Santosa, 2005). Ciri subjek yang terlibat dalam kajian ini adalah sebagai berikut:

- i. Seorang isteri yang suaminya bekerja di luar bandar
- ii. Lama bekerja suami adalah tiga bulan sehingga tiga tahun
- iii. Usia subjek antara 20-40 tahun
- iv. Berprofesi sebagai ibu rumah tangga

(b) Tempat Kajian

Pengambilan data dilakukan di salon Fang-Fang yang berada di Surabaya Barat, Bandar Surabaya, Jawa Timur, Indonesia. Pengambilan data dilakukan di salon tersebut kerana penyelidik telah bekerja di salon tersebut sehingga penyelidik dapat mengetahui pengunjung wanita salon yang melakukan perbuatan curang. Alasan lain dipilih salon Fang-Fang, penyelidik telah menjalin kedekatan dengan responden penyelidikan sehingga dapat mengurangkan perasaan tidak selesa daripada responden selama pengambilan data.

(c) Teknik Analisis Data

Teknik analisis data yang digunakan adalah teknik analisis frekuensi dan regresi. Alasan menggunakan analisis regresi kerana ingin melihat hubungan searah variabel kesepian dan keperluan menjalin hubungan yang rapat dengan orang lain terhadap kecenderungan berbuat curang pada isteri yang suaminya bekerja di luar bandar. Teknik analisis data ini akan dilakukan dengan bantuan program komputer, iaitu SPSS 13.00.

(d) Rumus Analisis Data

Menentukan nilai mean (M) dan sisihan piawai (SD), dengan rumus sebagai berikut:

$$\text{Min ideal} = \frac{(jav \times nt) + (jav \times nr)}{2} \quad [1]$$

$$\text{SD ideal} = \frac{(jav \times nt) - (jav \times nr)}{6} \quad [2]$$

Keterangan:

jav = jumlah item sah

nt = nilai tertinggi

nr = nilai terendah

Menentukan kategori dalam batas nilai dengan ketentuan sebagai berikut:

Sangat tinggi = $X > (M_{ideal} + 1,8 SD_{ideal})$

Tinggi = $(M_{ideal} + 0,6 SD_{ideal}) < X \leq (M_{ideal} + 1,8 SD_{ideal})$

Cukup = $(M_{ideal} - 0,6 SD_{ideal}) < X \leq (M_{ideal} + 0,6 SD_{ideal})$

Rendah = $(M_{ideal} - 1,8 SD_{ideal}) < X \leq (M_{ideal} - 0,6 SD_{ideal})$

Sangat Rendah = $X \leq (M_{ideal} - 1,8 SD_{ideal})$

HASIL KAJIAN

Berdasarkan hasil analisis menggunakan teknik statistik frekuensi didapatkan hasil sebagai berikut:

Berdasarkan data usia, wanita yang melakukan perbuatan curang berumur antara 26 tahun sehingga 30 tahun seramai 16 orang; Wanita berumur 31 tahun sehingga 35 tahun seramai 13 orang. Sedangkan wanita berumur 20 tahun sehingga 25 tahun, dan wanita berumur antara 36 tahun sehingga 40 tahun masing-masing seramai tiga orang. Sedangkan tahap lamanya berbuat curang atau perbuatan curang didapati seramai 30 wanita telah berbuat curang selama enam bulan atau lebih, dan seramai lima wanita telah berbuat curang selama bulan-bulan atau kurang.

Sedangkan data pekerjaan suami mendapati wanita yang melakukan perbuatan curang sebagian besar suaminya bekerja sebagai wirausaha seramai 20 orang. Meskipun demikian, terdapat juga wanita dengan suami bekerja sebagai pegawai kerajaan dan pegawai swasta seramai 15 orang. Daripada data tahap kekerapan suami bekerja di luar bandar diketahui seramai 21 orang subjek mengatakan suaminya sering berpergian keluar bandar, dan seramai

14 orang subjek mengatakan bahawa suaminya jarang bepergian ke luar bandar. Data ini menunjukkan bahawa isteri yang berbuat curang tidak seharusnya suaminya sering bepergian keluar bandar, akan tetapi suami yang sering keluar bandar akan menyebabkan kemungkinan perselingkuhan yang semakin tinggi. Daripada data lamanya suami bepergian ke luar bandar diketahui seramai 31 orang wanita yang berbuat curang ini, suaminya keluar bandar kurang daripada satu tahun, dan seramai empat wanita mengatakan bahawa suaminya bepergian keluar bandar selama satu tahun. Berdasarkan data tempat tinggal dikenalpasti seramai 19 orang wanita yang berbuat curang duduk sendiri dan seramai 13 wanita mengatakan tinggal bersama anggota keluarga lain, sedangkan tiga wanita mengatakan tinggal bersama orang gaji.

Daripada aktiviti keagamaan diketahui bahawa seramai 24 wanita yang melakukan perbuatan curang kurang terbabit dalam aktiviti keagamaan dan seramai 11 wanita mengatakan tidak aktif langsung dengan aktiviti keagamaan. Sedangkan data kesenangan atau hobi yang dimiliki wanita yang berperilaku curang menunjukkan seramai 14 wanita mempunyai kesenangan berbual di internet (*chatting*), dan seramai lapan wanita mempunyai kesenangan perbelanjaan dan berjalan-jalan, serta seramai tiga wanita mempunyai hobi memasak. Bentuk perbuatan curang yang dilakukan, seramai 19 wanita melakukan hubungan seksual, sedangkan enam wanita hanya sebatas rakan bercakap sahaja. Daripada perasaan nyaman melakukan perbuatan curang, seramai 28 responden mengatakan nyaman dan selesa, sedangkan tujuh responden mengatakan tidak nyaman dan tidak selesa.

Daripada data keinginan untuk mengakhiri perbuatan curang ini, seramai 23 wanita mengatakan ingin mengakhiri dan seramai 12 wanita mengatakan tidak ingin mengakhiri perbuatan curangnya. Terdapat berbagai alasan untuk tidak mengakhiri perbuatan ini diantaranya: perasaan kasihan, merasa sehati dengan pasangan curangnya dan terlanjur mencintai pasangan perbuatan curangnya. Akan tetapi seorang responden mengatakan tidak ingin mengakhiri perbuatan curangnya kerana merasa tercabar dan semasa ini masih aman atau tidak disyaki berbuat curang oleh suami atau keluarganya.

Terdapat tiga variabel dalam penyelidikan ini, iaitu kesepian, keperluan menjalinkan hubungan rapat dengan orang lain, dan kecenderungan berbuat curang. Untuk memberikan gambaran mengenai tinggi rendahnya penilaian atas variabel, didasarkan pada pengkategorian pengukuran dengan langkah sebagai berikut:

Berdasarkan data perasaan sunyi yang dirasakan oleh responden kajian menunjukkan seramai 29 subjek (82,86%) merasakan tahap perasaan sunyi yang tinggi. Sedangkan data tahap keperluan menjalin hubungan rapat dengan orang lain menunjukkan seramai 54.3% subjek memiliki tahap keperluan menjalin hubungan rapat dengan orang lain yang cukup, dan 34.3% memiliki tahap keperluan menjalin hubungan rapat dengan orang lain yang rendah.

Berdasarkan kecenderungan berperilaku curang, sebagian besar subjek penyelidikan ini dengan kecenderungan berbuat curang yang cukup tinggi, iaitu sebanyak 18 subjek (51.43%), seramai 11 orang (31.43%) mempunyai kecenderungan berperilaku curang yang tinggi dan seramai enam orang (17.14%) mempunyai kecenderungan berperilaku curang yang rendah.

Berdasarkan hasil perhitungan dengan analisis regresi diketahui nilai koefisien korelasi (R) sebesar 0,722, berarti hubungan variabel kesepian dan keperluan menjalin hubungan yang rapat dengan orang lain cenderung tinggi kerana nilai $0,722 > 0,5$ (nilai tengah antara 0-1). Nilai 1 (satu) adalah nilai maksimal dari sebuah hubungan.

PERBINCANGAN

Hasil kajian menunjukkan hubungan yang signifikan antara perasaan sunyi dan keperluan

menjalin hubungan yang rapat dengan orang lain dengan kecenderungan berselingkuh pada isteri yang suaminya bekerja di luar bandar. Perasaan sunyi mempunyai pengaruh lebih besar terhadap kecenderungan seorang wanita berbuat curang. Perasaan sunyi yang dirasakan isteri ini menyebabkan mereka mencari kasih sayang atau perhatian dari orang lain selain suaminya. Daripada hasil uji hubungan dalam penyelidikan ini menguatkan bahawa semakin kuat perasaan sunyi yang dirasakan seorang wanita maka semakin kuat pula keinginan berbuat curang. Susilowati dan Putu (2005) mengatakan bahawa seorang wanita yang berbuat curang biasanya mendapatkan pemenuhan keperluan emosinya dari pasangan perbuatannya, dimana mereka tidak mendapatkan dari pasangan perkawinannya.

Wanita yang melakukan perbuatan curang ini pada biasanya mempunyai suami yang bekerja di luar bandar untuk masa yang lama. Perbuatan curang berlaku kerana tidak adanya sosok pasangan sebenarnya yang sangat diharapkan untuk selalu hadir dalam berbagai situasi, sehingga para wanita ini akan mencari figur pengganti suaminya dan mereka mengatakan merasa selesa melakukan perbuatan curang tersebut. Dalam kajian ini faktor persekitaran juga tidak berkesan dalam mencegah terjadinya perbuatan curang. Hal ini terbukti daripada data kajian menunjukkan bahawa wanita yang melakukan perbuatan curang juga ada yang tinggal bersama anggota keluarga lain mahupun orang gaji. Hal ini menunjukkan bahawa hidup bersama keluarga atau orang lain bukan menjadi alasan untuk tidak melakukan perbuatan curang. Hal ini juga didorong oleh lemahnya keimanan seseorang. Perilaku curang ini juga semakin kuat untuk dilakukan oleh wanita yang suaminya bekerja di luar bandar kerana disokong keseronokan atau hobi *chatting*.

KESIMPULAN

Berdasarkan pada hasil perbincangan, kesimpulan penyelidikan ini adalah terdapat kesan yang positif antara variabel kesepian dengan kecenderungan berbuat curang, Hal ini bermakna semakin kuat perasaan kesepian, semakin kuat pula kecenderungan berbuat curang. Selain itu juga terdapat pengaruh yang positif antara keperluan menjalin hubungan yang rapat dengan orang lain dengan kecenderungan berbuat curang, semakin kuat keperluan menjalin hubungan yang rapat dengan orang lain menyebabkan semakin kuat pula kecenderungan berbuat curang. Walaupun faktor kesepian dan afiliasi mempunyai pengaruh terhadap kecenderungan seorang wanita berbuat curang, akan tetapi faktor kesepian memiliki pengaruh yang kuat dibandingkan faktor keperluan menjalin hubungan yang rapat dengan orang lain.

RUJUKAN

- Asnawi, S. 2002. *Teori motivasi*. Jakarta: Study Press.
- Baron, R. A. 2007. *Psikologi Sosial Jilid 1*. Alih Bahasa: Adryanto M. & Soekrisno S. Jakarta: Erlangga.
- Hojat, M. & Crandall, R. (Ed). 1989. *Loneliness: Theory, Research and Applications*. Newbury Park, California: Sage Publication.
- Hulme, W.E. 1984. *Kesepian*. Jakarta: Cipta Loka Caraka.
- Santosa, P.B. 2005. *Analisis Statistik & Spss*, Yogyakarta: Andi.

Sarwono, S.W. 1987. Psikologi Sosial: *Individu dan teori-teori psikologi social*. Jakarta: Balai Pustaka.

Susilowati, M., & Putu, N.L. 2005. Persepsi Wanita Terhadap Perselingkuhan. *Jurnal Penelitian*, 17, 753-762.

Then, D. 2002. *Jika Suami Anda Berselingkuh*. Jakarta: PT. Gunung Mulia.

Torsina, M. 1995. *Melacak & Menghadapi Kekasih yang Curang Suami yang Serong*. Jakarta: Cakrawala Cinta.

Wedge, F. 1989. *Mengatasi Rasa Kesepian*. Bogor: Penerbit Obor.

Yohan Kurniawan
Pusat Pengajian Bahasa & Pembangunan Insaniah
Universiti Malaysia Kelantan
Karung berkunci 36, Pengkalan Chepa
16100 Kota Bharu, Kelantan D. N
Email: yohankur@yahoo.com

Henny Yulianti & Jaka Santosa Sugadijono
Fakultas Psikologi
Unika Widya Mandala
Surabaya – Indonesia